

2011 Rhif 555 (Cy. 78)

**DIOGELU'R AMGYLCHEDD,
CYMRU**

**TRWYDEDU (MOROL),
CYMRU**

LLYGREDD MOROL, CYMRU

Rheoliadau Trwyddedu Morol
(Ffioedd am Geisiadau) (Cymru)
2011

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn gwneud darpariaeth mewn perthynas â'r ffioedd sydd i'w codi ynglŷn â cheisiadau am drwyddedau morol y mae Gweinidogion Cymru yn awdurdod trwyddedu priodol mewn perthynas â hwy o dan Ddeddf y Môr a Mynediad i'r Arfordir 2009.

Mae rheoliad 3 yn diffinio termau penodol a ddefnyddir yn y Rheoliadau.

Mae rheoliad 4 yn darparu ar gyfer talu ac adennill ffioedd.

Mae rheoliadau 5 i 12 a'r Atodlen yn gwneud darpariaeth ar gyfer penderfynu'r ffioedd sydd i'w codi mewn perthynas â cheisiadau am drwyddedau morol o ddisgrifiad sy'n dod o fewn y rheoliadau hynny.

Lluniwyd asesiad llawn o effaith y system drwyddedu forol a sefydlwyd o dan Ddeddf y Môr a Mynediad i'r Arfordir 2009, ac y mae ar gael o'r Uned Caniatadau Morol, Llywodraeth Cynulliad Cymru, Parc Cathays, Caerdydd CF10 3NQ neu ar wefan Llywodraeth Cynulliad Cymru yn www.cymru.gov.uk.

2011 Rhif 555 (Cy. 78)

**DIOGELU'R AMGYLCHEDD,
CYMRU**

**TRWYDEDU (MOROL),
CYMRU**

LLYGREDD MOROL, CYMRU

Rheoliadau Trwyddedu Morol
(Ffioedd am Geisiadau) (Cymru)
2011

Gwnaed 25 Chwefror 2011

*Gosodwyd gerbron Cynulliad Cenedlaethol
Cymru* 1 Mawrth 2011

Yn dod i rym 6 Ebrill 2011

Mae Gweinidogion Cymru, sef yr awdurdod trwyddedu priodol o dan adran 113(4)(b) o Ddeddf y Môr a Mynediad i'r Arfordir 2009(1), yn gwneud y Rheoliadau canlynol drwy arfer y pwerau a roddwyd gan adrannau 67(2), (3)(b) a 316(1)(b) o'r Ddeddf honno.

Enwi a chychwyn

1.—(1) Enw'r Rheoliadau hyn yw Rheoliadau Trwyddedu Morol (Ffioedd am Geisiadau) (Cymru) 2011.

(2) Daw'r Rheoliadau hyn i rym ar 6 Ebrill 2011.

Cymhwyso

2. Mae'r Rheoliadau hyn yn gymwys o ran unrhyw gais am drwydded forol y mae Gweinidogion Cymru

yn awdurdod trwyddedu priodol mewn perthynas ag ef
(1).

Dehongli

3.—(1) Yn y Rheoliadau hyn—

ystyr “ardal amgylcheddol sensitif”(
“*environmentally sensitive area*”) yw—

- (a) gwarchodfa natur forol o fewn yr ystyr a roddir i “marine nature reserve” yn adran 36 o Ddeddf Cefn Gwlad a Bywyd Gwylt 1981(2);
- (b) safle Ramsar o fewn yr ystyr a roddir i “Ramsar site” yn adran 37A o Ddeddf Cefn Gwlad a Bywyd Gwylt 1981(3);
- (c) safle o ddiddordeb gwyddonol arbennig o fewn yr ystyr a roddir i “site of special scientific interest” yn adran 28 o Ddeddf Cefn Gwlad a Bywyd Gwylt 1981(4);
- (ch) ardal cadwraeth arbennig o fewn yr ystyr a roddir i “special area of conservation” gan

-
- (1) Yn rhinwedd adran 113(4)(b) o Ddeddf y Môr a Mynediad i'r Arfordir 2009, Gweinidogion Cymru yw'r awdurdod trwyddedu priodol o ran unrhyw beth a wneir wrth ymgymryd â gweithgaredd morol trwyddedadwy mewn perthynas â Chymru a rhanbarth glannau Cymru, ac eithrio gweithgareddau y mae'r Ysgrifennydd Gwladol yn awdurdod trwyddedu priodol ar eu cyfer yn rhinwedd adrannau 113(4)(a) a (5) o'r Ddeddf honno. Gweler adran 322(1) am ddiffiniad o “Welsh inshore region”
 - (2) 1981 (p. 69). Diwygiwyd adran 36 gan adran 3 o Ddeddf y Môr Tiriogaethol 1987 (p. 49) a pharagraff 6 o Atodlen 1 i'r Ddeddf honno; adran 105 o Ddeddf yr Amgylchedd Naturiol a Chymunedau Gwledig 2006 (p. 16) a pharagraff 85 o Ran 1 o Atodlen 11 i'r Ddeddf honno; adran 66(6) o Ddeddf Llywodraeth Leol (Cymru) 1994 (p.19) a pharagraff 65(4) o Atodlen 16 i'r Ddeddf honno; adran 102 o Ddeddf Llywodraeth Leol 1985 (p.51) ac Atodlen 17 i'r Ddeddf honno; adran 32(5) o Ddeddf 1987 (p. 21) ac Atodlen 3 i'r Ddeddf honno. Mae diwygiadau eraill, nad ydynt yn berthnasol at y dibenion hyn. Trosglwyddwyd swyddogaethau'r Ysgrifennydd Gwladol, i'r graddau y maent yn arferadwy o ran Cymru, i Weinidogion Cymru gan erthygl 2 o Orchymyn Cynulliad Cenedlaethol (Trosglwyddo Swyddogaethau) 1999 [O.S. 1999/672] ac Atodlen 1 i'r Gorchymyn hwnnw a chan baragraff 30 o Atodlen 11 i Ddeddf Llywodraeth Cymru 2006 (p. 32).
 - (3) 1981 (p. 69). Mewnosodwyd adran 37A gan adran 77 o Ddeddf Cefn Gwlad a Hawliau Tramwy 2000 (p. 37) a diwygiwyd hi gan adran 105 o Ddeddf yr Amgylchedd Naturiol a Chymunedau Gwledig 2006 (p. 16) a pharagraff 86 o Atodlen 11 i'r Ddeddf honno.
 - (4) 1981 (p. 69). Amnewidiwyd adran 28 gan adran 75(1) o Ddeddf Cefn Gwlad a Hawliau Tramwy 2000 (p. 37) a pharagraff 1 o Atodlen 9 i'r Ddeddf honno. Diwygiwyd gan adran 105(1) o Ddeddf yr Amgylchedd Naturiol a Chymunedau Gwledig 2006 (p. 16) a pharagraff 79 o Ran 1 o Atodlen 11 i'r Ddeddf honno. Mae diwygiadau eraill, nad ydynt yn berthnasol at y dibenion hyn. Dylid darllen adran 28 yn unol ag adran 27AA. Trosglwyddwyd swyddogaethau'r Ysgrifennydd Gwladol, i'r graddau y maent yn arferadwy o ran Cymru, i Weinidogion Cymru gan erthygl 2 o Atodlen 1 i O.S. 1999/672 a pharagraff 30 o Atodlen 11 i Ddeddf Llywodraeth Cymru 2006 (p. 32).

Erthygl 1(1) o Gyfarwyddeb y Cyngor 92/43/EEC ar gadwraeth cynefinoedd naturiol a ffawna a fflora gwyllt (y Gyfarwyddeb Cynefinoedd)(1);

- (d) ardal gwarchodaeth arbennig o fewn yr ystyr a roddir i “special protection area” gan Reoliadau Cadwraeth Cynefinoedd a Rhywogaethau 2010(2);

ystyr “cais am drwydded forol” (“*application for a marine licence*”) yw cais am drwydded i ymgymryd ag un neu ragor o weithgareddau morol trwyddedadwy;

ystyr “ffi” (“*fee*”) yw’r ffi sy’n daladwy am benderfynu cais am drwydded forol;

ystyr “tâl atodol sensitifrwydd amgylcheddol” (“*environmental sensitivity supplement*”) yw ychwanegiad at y ffi sy’n daladwy mewn perthynas â rhai ceisiadau am drwydded forol.

(2) Yn y Rheoliadau hyn, mae cyfeiriad at dabl â rhif yn gyfeiriad at y tabl sy’n dwyn y rhif hwnnw yn yr Atodlen.

Talu ac adennill ffioedd

4.—(1) Mae’r holl ffioedd yn daladwy i Weinidogion Cymru.

(2) Mae’r holl ffioedd yn daladwy pan ofynnir am y tâl.

(3) Caniateir talu unrhyw ffi drwy ddull electronig.

(4) Bydd Gweinidogion Cymru wedi cael unrhyw ffi pan fydd arian cliriedig yn eu meddiant ar gyfer swm cyfan y ffi honno.

(5) Bydd unrhyw ffi neu ran o ffi na fydd wedi ei thalu yn adenilladwy gan Weinidogion Cymru fel dyled sifil.

Prosiectau adeiladu

5.—(1) Yn achos cais am drwydded forol sy’n ymwneud â phrosiect adeiladu nad yw’n dod o fewn rheoliad 9 (prosiectau ynni adnewyddadwy alltraeth), penderfynir y ffi drwy gyfeirio at y raddfa ffioedd a bennir yn nhabl 1.

(2) Ond, ac eithrio yn achos cais y mae band 1 yn nhabl 1 yn gymwys iddo, mae paragraff (1) yn ddarostyngedig i baragraff (3).

(3) Os bwriedir ymgymryd ag un neu ragor o’r gweithgareddau morol trwyddedadwy sy’n ffurfio

(1) O.J. Rhif L 206 22.7.1992 t. 7-50

(2) O.S. 2010/490. Mewnosodwyd rheoliad 12A newydd sy’n diffinio “special protection area” gan Reoliadau Cadwraeth Cynefinoedd a Rhywogaethau (Diwygio) 2011 (O.S. 2011/).

testun y cais y cyfeirir ato ym mharagraff (1) o fewn neu'n agos at ardal amgylcheddol sensitif, bydd tâl atodol sensitifrwydd amgylcheddol yn daladwy.

(4) Pan fo tâl atodol sensitifrwydd amgylcheddol yn daladwy, penderfynir swm y tâl atodol drwy gyfeirio at y symiau a bennir yn nhabl 2.

Gwaredu – treillio morol

6.—(1) Yn achos cais am drwydded forol sy'n ymwneud â gwaredu deunydd a dreillir, nad yw'n dod o fewn paragraff (4), penderfynir y ffi drwy gyfeirio at y graddfeydd ffioedd a bennir yn nhabl 3.

(2) Pan fo'r deunydd a dreillir y cyfeirir ato ym mharagraff (1) yn tarddu o waith treillio cyfalaf, mae'r raddfa ffioedd yn y drydedd golofn yn nhabl 3 yn gymwys.

(3) Pan fo'r deunydd a dreillir y cyfeirir ato ym mharagraff (1) yn tarddu o waith treillio cynnal a chadw, mae'r raddfa ffioedd yn y bedwaredd golofn yn nhabl 3 yn gymwys.

(4) Yn achos cais am drwydded forol sy'n ymwneud â gwaredu deunydd a dreillir at ddefnydd llesiannol, penderfynir y ffi drwy gyfeirio at y graddfeydd ffioedd a bennir yn nhabl 4.

(5) Ond mae paragraff (4) yn ddarostyngedig i baragraff (6).

(6) Os bwriedir ymgymryd ag neu ragor o'r gweithgareddau morol trwyddedadwy sy'n ffurfio testun y cais, y cyfeirir ato ym mharagraff (4), o fewn neu'n agos at ardal amgylcheddol sensitif, bydd tâl atodol sensitifrwydd amgylcheddol yn daladwy.

(7) Pan fo tâl atodol sensitifrwydd amgylcheddol yn daladwy, penderfynir swm y tâl atodol drwy gyfeirio at y symiau a bennir yn nhabl 2, yn ddarostyngedig i'r addasiad ym mharagraff (8).

(8) Pan fo paragraff (7) yn gymwys, rhaid darllen cyfeiriad yn nhabl 2 at gost y prosiect fel pe bai'n gyfeiriad at gost y prosiect y mae'r deunydd a dreillir ac y bwriedir ei waredu yn tarddu ohono.

(9) Yn y rheoliad hwn—

ystyr “defnydd llesiannol” (“*beneficial use*”) yw defnydd sy'n llesiannol i'r amgylchedd;

ystyr “deunydd a dreillir” (“*dredged material*”) yw unrhyw sylwedd neu wrthrych sy'n tarddu o dreillio morol.

Gwaredu – gwastraff pysgod

7. Pan fo cais am drwydded forol yn ymwneud â gwaredu gwastraff pysgod, penderfynir y ffi drwy gyfeirio at dabl 5.

Echdynnu mwynau drwy dreillio morol

8.—(1) Yn achos cais am drwydded forol sy'n ymwneud ag echdynnu mwynau drwy dreillio morol, penderfynir y ffi drwy gyfeirio at yr ail golofn yn nhabl 6.

(2) Ond mae paragraff (1) yn ddarostyngedig i baragraff (3).

(3) Pan fo penderfynu cais am drwydded forol o dan baragraff (1) yn cynnwys cynnal ymchwiliad⁽¹⁾, mae'r ffi a bennir yn y drydedd golofn o'r tabl hwnnw yn daladwy yn ychwanegol at y ffi y cyfeirir ati ym mharagraff (1).

Prosiectau ynni adnewyddadwy alltraeth

9. Yn achos cais am drwydded forol sy'n ymwneud â phrosiect ynni adnewyddadwy alltraeth, penderfynir y ffi drwy gyfeirio at y raddfa ffioedd a bennir yn nhabl 7.

Piblinellau tanfor ac adeileddau cysylltiedig

10. Yn achos cais am drwydded forol sy'n ymwneud â phiblinell danfor neu adeiledd cysylltiedig ac yn dod o fewn disgrifiad yn y golofn gyntaf yn nhabl 8, penderfynir y ffi briodol drwy gyfeirio at yr ail golofn o'r tabl hwnnw.

Olrheinnyddion a lliwrau

11. Yn achos cais am drwydded forol sy'n ymwneud â dyddodi olrheinnyddion neu liwrau, penderfynir y ffi drwy gyfeirio at dabl 9.

Angorfeydd a chymhorthion mordwyo

12. Yn achos cais am drwydded forol sy'n ymwneud ag angorfeydd syml a chymhorthion mordwyo, penderfynir y ffi drwy gyfeirio at dabl 10.

Jane Davidson

Y Gweinidog dros yr Amgylchedd, Cynaliadwyedd a Thai, un o Weinidogion Cymru

25 Chwefror 2011

(1) Mae adran 70(1) o Ddeddf y Môr a Mynediad i'r Arfordir 2009 yn darparu y caiff yr awdurdod trwyddedu priodol beri bod ymchwiliad yn cael ei gynnal mewn cysylltiad â phenderfynu cais am drwydded forol.

YR ATODLEN

Rheoliadau 5, 6, 7, 8, 9, 10, 11 a 12

Tabl 1

Prosiectau adeiladu

Band	Cost y prosiect (£)	Ffi (£)
1	0 i 5,499	127
2	5,500 i 9,999	715
3	10,000 i 49,999	1,025
4	50,000 i 1,999,999	2,275
5	2 filiwn i 4,999,999	4,525
6	5 miliwn i 19,999,999	7,191
7	20 miliwn i 49,999,999	12,010
8	50 miliwn ac uwch	38,650

Tabl 2

Tâl atodol sensitifrydd amgylcheddol

Band	Cost y prosiect (£)	Tâl atodol (£)
1	5,500 i 9,999	275
2	10,000 i 49,999	575
3	50,000 i 1,999,999	950
4	2 filiwn i 4,999,999	1,350
5	5 miliwn i 19,999,999	1,605
6	20 miliwn i 49,999,999	1,720
7	50 miliwn ac uwch	2,750

Tabl 3

Gwaredu deunydd a dreillir (ac eithrio at ddefnydd llesiannol)

Band	Maint a waredir (tunelli)	Ffi (£) Cyfalaf	Ffi (£) Cynnal a chadw
1	0 i 9,999	4,500	3,650
2	10,000 i 49,999	9,100	7,225
3	50,000 i 99,999	12,800	9,950
4	100,000 i 499,999	19,850	15,950
5	500,000 i 999,999	28,850	22,050
6	1,000,000 ac uwch	43,500	34,750

Tabl 4

Gwaredu deunydd a dreillir at ddefnydd llesiannol

Band	Maint a waredir (tunelli)	Ffi (£)
1	0 i 99,999	715
2	100,000 i 999,999	2,275

3	1,000,000 ac uwch	4,525
---	-------------------	-------

Tabl 5

Gwaredu gwastraff pysgod

Maint a waredir	Ffi (£)
Unrhyw	2,995

Tabl 6

Echdynnu mwynau drwy dreillio morol

Cais	Ffi (£)	Ffi ychwanegol pan gynhelir ymchwiliad (£)
Echdynnu mwynau drwy dreillio morol	27,500	15,000

Tabl 7

Prosiectau ynni adnewyddadwy alltraeth

Band	Gallu cynhyrchu (megawatiau)	Ffi (£)
Band 1	0 i 0.99MW	2,000
Band 2	1 i 4.99MW	6,000
Band 3	5 i 99MW	26,222
Band 4	100MW ac uwch	38,650

Tabl 8

Piblinellau tanfor ac adeileddau cysylltiedig

Cais	Ffi (£)
Cyn-ysgubo	10,670
Dadlwytho cerrig	2,275
Matresu	2,275
Selio ffynhonnau neu bibellau (pan y'u gadewir)	2,275

Tabl 9

Dyddodi olrheinyddion a lliwurau

Cais	Ffi (£)
Dyddodi olrheinyddion	83
Dyddodi lliwurau	83

Tabl 10

Angorfeydd a chymhorthion mordwyo

Cais	Ffi (£)
Angorfeydd syml	127
Cymhorthion mordwyo	127

